

石下集記

林下筆記卷之三十一

句一編目錄一

慶基殿御真

御真最久本

太祖影幘衫摸下教


南殿入侍醺醉

太廟舊玉冊

冊寶入廟時鼓吹儀

神德王后私第

咸興本宮衙門



林下筆記卷之三十一

旬一編目錄一

慶基殿御真

御真最久本

太祖影幀移摸下教

南殿入侍醺酢

太廟舊玉冊

冊寶入廟時鼓吹儀

神德王后私第

咸興本宮御物

璿源殿古蹟

崇陵癸巳御書

英廟御製文集

命書璿經

純祖冲年御書

慈宮進號

丁亥請上尊號

南壇祭官

宗廟祝文誤音

景慕宮舉動提調未待之始

景慕宮終獻樂作聲正

磬聲之辨

畫角聲

琴書齋扁

龍九子

潛龍池

綏陵樹

丁巳風災

至尊之稱

寡人之稱

先拜稟

中嚴外辦之始

書房色司謁

珮玉匣

內府書案

松都行幸謁聖

見大臣下馬

寧遠伯畫像

初拜相執心之難

公之稱

五日一朝之始

乞休疏難於措辭

都提調廳巡綽牌

文衡傳硯詩

楓臯疏薦文衡人

耆老所

脩堂拿處

仕宦最久

大夫之稱

官職與前代異同

授官表讓

貼黃

行香

名帖

答辭

定棍制

戒石銘

官府乘轎

朝臣呵引張傘

按月分俸

致仕官給俸

幕府之始

外命婦儀

仙源後裔不吸草

牛溪墓下馬石

華城籌室

勅使見地方官下馬

棘園

讀券官

殿試封彌另膳

到記科準的

朝臣禮葬

無刑義禁

院隸呼望

條齋勿問院隸

東闕殿額書寫人賞典

玉堂故事

玉堂差除

太學銀盃

千牛不簡嫡庶表

庶類疏請序齒

庶類疏通叔議

華山之族

玉河館卒

金醫貢吏吏

洪尚書居官

惇惇公主

專羅道

雜術不勝正氣

紫霞知南金陵

希谷之言

閔門百歲老人

六橋唐癖

聽琴火歸

李持卿夢

夢託葵親

夢中作偈

徐石史移家

索駝橋長明燈

圓隱錄事

金堤萬頃沃野坪

席邱

太華亭

百花堂

盜詩圖

佛祖

金剛經塔圖

世界

三篇

無學峯

箕尹兼厨院官

康熙九經

試體之嚴

朴記注孝

嶺伯再任

完伯再任

有將家風

誤學史記

文字相贈

秋潭三書

文東湖

風字碑

五色泉

朴將軍

李貞翼用兵

胡債

各道風俗

魚箭

保障之地

產穀

運穀

大臣救蝕

洋試題

林下筆記卷之三十一

月城李裕元景春輯

旬一編

辛未冬直廬足成林下筆記鄭經山相公雪中命其哲嗣周溪貳相袖取一覽亟稱為傳後之語鎮日不釋手時壬申元日也公九十足歲精力康旺凡於文字上尚拳拳不忘多有釐正其註誤者余六十不及公三十而漸弛向學之誠所經之事所覽之書俄頃輒忘其所記之者未知為何語而何事也歲首隨

諸大夫呼嵩大庭第八日復還林下續草原
編以補其闕總三百九十七條至上元後三
日乃成謂之以十一日記亦可也

慶基殿御真

國初慶州集慶殿奉太祖御真太宗己丑移奉全州
慶基殿壬辰殿僕去上下軸躡摺而懷之到行在所
摺痕尚宛然肅宗戊辰奉于京都移摸安于永禧殿
舊本還奉慶基殿新本眼彩射人牆外民家多慶明
設盲廳

御真最久本

國初圖寫太祖辟容二本分奉于慶基殿濬源殿兩
本最久也濬源殿基址本沮洳之池無學見桓祖曰
孕貴子某日我當來乙亥十月十一日復來見太祖
誕生取其胎缸藏于池名之曰瑤樂太祖四歲有詩
曰瑤樂池中舊日龍變化將為沛澤龍者是也後填
其池建濬源殿

太祖影幀移模下教

當宁壬申元日上受朝賀教曰南殿第一室御真慶
基殿御真年久熹微矣今欲移模將有所下教矣賤
臣曰臣於待罪湖南已為仰瞻而其時亦為熹微有

不得不移摸之議而臣之仰瞻已過二十年之久竊想幀本益有未安之處矣金公炳學以南殿御真亦多有熹微仰奏上命書傳教曰太廟顯冊將親上而南殿第一室御真奉摸既久幀本熹微迨今年移摸允合情禮矣在前移摸時皆設都監則今番事體宜無異同而既有我朝可援之故事自今摸寫等節令宗府擇日著式舉行事分付

南殿入侍醺酢

壬申正月初六日上辰拜南殿命時原任大臣入侍賤臣及金炳學柳厚祚洪淳穆入祭上曰今年將欲

移摸御真故召見卿等矣賤臣曰太祖室御真初以慶基殿本移摸故兩本別無異同而慶基殿本慶州府移奉矣上曰南殿本如是熹微慶基殿本果何如乎賤臣曰慶基殿本仰瞻既久而其時亦多有未安處今似萬萬惶悚矣若改摸則舊本不得不改粧櫝奉如濬源殿已行之禮矣上曰濬源殿本服色如何乎賤臣曰濬源殿本即國初圖寫而間經事故移摸南殿本奉之舊本改粧櫝奉之舊本則法服與南殿慶基殿同色新本則紅色龍袍矣上曰龍袍內綠色衣何服乎古之衣制以綠為領耶賤臣曰古制氅衣

多以綠色製之非但帝王家也大臣勲臣之服亦多有綠雲緞氅衣矣炳學曰綠是氅衣而其上白色即領也淳穆曰近來亦有綠色上衣臣等之所目覩也上詣第二室教曰古之靴者以白皮為之乎賤臣曰古者黑團領着黑皮靴時服着白皮靴至正廟朝皆以黑皮靴定式故儀註尚以黑皮靴云云者良以是也上詣第三室教曰紗帽之高何為太低乎賤臣曰古之制如是而中古漸高矣炳學曰近來漸復低矣上詣第四室教曰章服之領至肅廟朝漸濶矣炳學曰袖廣亦隨以長矣上詣第五室教曰綠色氅衣亦

在於此室矣詣第六室奉審時賤臣曰純廟在宥時
臣等仰瞻天顏而影幀圖寫洽為七分矣炳學曰臣
幼時童蒙入侍也獲覩一堂三聖之節儉為德八路
蒼生無一不被其澤矣淳穆曰臣亦叅童蒙入侍見
儉德出尋常萬萬而聖德神功蕩蕩乎民無能名為
賤臣曰純祖三十年深仁厚澤浹人肌髓尚有於乎
不忘之忱矣

太廟舊玉冊

余簪筆陪憲廟入太廟上奉審冊寶邵亭金公永將
以廟官進上詢丙子以前冊寶永爵奉仁宗室舊玉

冊一凡宣祖室玉寶缺損者一顆前對上又詢最久
竹冊永爵對以顯宗室上甚獎許之教曰如某兒識
尚屈下僚為朝廷惜也

冊寶入廟時鼓吹儀

凡冊寶之入廟內也不得鼓吹壓尊也壬申太祖太
宗延上尊冊寶入廟時鼓吹導前罕例也永寧殿
各室故果行之

神德王后私第

谷山府治東五里雲中坊有淵曰龍淵神德王后徵
時泛楊葉處也一名大澗溪洞口一石狀若升龍曰

龍峯正宗己未審求私第舊基御撰文立碑臣洪良
浩書也使原姓人守護余嘗見於本邑志

咸興本宮御物

太祖大王征伐四方所御黑紗笠一銀飾具銀日月
頂各一孔雀羽四角弓一長七尺絲弦具黑漆皮
箭羽箭十三長六尺鐵鏃具黃漆皮倅殿北有古松三
株掛弓處也今存一在前庭在後者為倭奴所斫血
逆射已枯有劒痕原筆記未及盡錄故追詳之

璿源殿古蹟

正宗戊戌修改璿源殿移安日召大臣見古蹟有三

櫝子奉安者二櫝即皇朝御製御筆及賜與之物也
一櫝即我朝列聖御筆及遺跡也次第開緘就見櫝
中一寶匣乃皇朝所賜玉寶一袂裏乃皇朝所賜蟒
龍衣其餘三四袂裏乃御製御筆也上曰此玉寶及
蟒龍衣即傳來寶藏之物而蟒衣年久猶不渝色亦
異矣憲廟朝移安時臣等陪見古蹟於移安廳猶未
能詳後考見先輩文字始知蟒衣覲先王之語

崇陵癸巳御書

肅宗癸巳英廟在邸以獻官齋宿香大廳後癸巳御
書曰昔癸巳年未宿六字安奉于廳壁肅宗癸巳距

今甲子一百五十年臣以徽陵酌獻禮攝行赴東陵
仰瞻寶墨而京司多有英廟御筆皆以憶昔為題

英廟御製文集

英廟朝設纂輯廳開刊御製有一傳教則輒付剞劂
該堂上持印板入侍在位五十四年之間至九千九
百卷乃教曰何必成數仍置之此為養性軒集

命書隣經

正廟朝命曹允亨黃雲祖書進隣經如綱目例梓本
行于世余見成青城集曰正廟丁巳臣緯臣鍾永俱
以布衣與臣大中猥叨春秋援綱目例大書經文小

書左氏傳文之命閱月編摩士林榮之此三本未見
付梓

純祖冲年御書

正宗癸丑洪文穆樂游以翰林入侍純祖四歲書下
太平二字乙卯碩齋尹文獻行恁直西清純祖六歲
灑翰作八千歲九五福六字賜公錦贖金籤之飾尚
留龍騰鳳翥之氣吉金貞石政須今日也乾文有時
而蝕公不世恩遇不泯於千載之下余曾從洪尹兩
公家一再寶玩亦與榮也

慈宮進箒

正廟戊戌召三公九卿三司長官教曰予有下詢者
故今日特召卿等矣日月迅駛先大王祔禮不遠將
進冊寶於東朝矣自不覺欣感之交集而獨於慈宮
無一字上弔情禮俱缺雖以前史觀之皇子公主既
有錫弔之規且我朝亦多有可據之例以此以彼既
無貳尊之嫌又無歷尊之事舉經典進義弔烏可已
乎卿等其陳所見諸大臣以次仰陳右議政徐命善
曰以先朝言之順康昭寧有已例矣諸臣皆無異議
遂進惠慶宮弔曰孝康癸卯加上曰慈禧甲辰加上
曰貞宣乙卯加上曰徽穆余以閔宮提調詳見儀軌

編錄中

丁亥請上尊號

純祖丁亥七月二十四日元孫誕彌之第七日陳質
仁政殿是時王世子寧文武百官庭請上尊號于兩
殿日至三而啓凡五上屢批謙抑竟下勉循之音上
淵德顯道景仁純禧妃上明敬是年鄴製宸題箋曰
本朝羣臣賀上尊進爵元孫誕生至今四十六年事
宛如昨日也

南壇祭官

南壇即郊祭也我國祭風雲雷雨之初故殺其禮祭

官從二品為之亞終以正三品及堂下準職人後初
獻官改以一品亞終獻仍舊其議不一

宮廟祝文誤音

宗廟祝文藏字本音薦而每讀以奠習以為常憲宗
朝親祭時諸大祝議論不一有一人曰五百年以奠
讀奏仍舊可矣畢竟皆以奠音讀之而後余以禮儀
使舉行見諸大祝或薦或奠其音不同反欠誠敬此
不可不釐正者也

景慕宮舉動提調未待之始

廟社殿宮舉動都提調初無入參之例正廟朝歲謁

命宗廟都提調未待於丹寶奉審時已及傳于政院
曰此後景慕宮動駕時都提調提調未待自後廟謁
提調之祭為例

景慕宮終獻樂作釐正

戊子翼宗攝行景慕宮夏享時於神門外肄樂習禮
教曰終獻禮辭初禮樂奏無止作之節何也近侍對
曰正廟時以慈宮享事禮成間不就寢為憂命終獻
辭初樂合奏之以促其時刻所以至今合奏矣是日
特令釐正

翼廟於景慕宮享祀時問本宮磬聲不及太廟磬亦有優劣耶知申申綿對曰廟庭宏暢故磬聲悠揚宮庭褊小故磬聲砢砢地勢使然恐非磬之有優劣也蓋申公嫺於音律能倉卒辨對如是

畫角聲

譙樓畫角聲相傳為明太祖所演以示警者其聲曰為君難為臣又難難也難創業難守成又難難也難保家難保身又難難也難說見海鹽錢琦所著語測東國所傳難又難考難又難人間萬事摠難難創業惟難守成難為君難又為臣難

琴書齋扁

正廟己亥申公綿年終十一賜對琴書室面試詩筆
恩褒鄭重後憲廟朝應旨寫進琴書齋扁甚不偶也
龍九子

辛未冬講蠡斯章行奏龍九子鳳九雛之說及直藥
院命掖屬下詢語在何書又詢九子之名乃奏所載
之書摺而上之聖學之必欲究其源欽仰也

潛龍池

京城里門內有潛龍池英廟幼時潛于此池後名之
池不大在人家中見之名實不相同

綏陵樹

哲宗乙卯綏陵遷奉於東陵局內先臣以雲監提調
宰相地官封標一巨樹在其前公命役夫伐去景陵
見如咫尺諸堂舉皆異之樹之伐非有意而既伐之
後兩陵相對象設如可相接此神理人情之所同然
也每當奉審輒思是日之事自不無梧雲之感也

丁巳風災

哲宗丁巳夏有風自東北起所過處大水斯拔頃刻
間展布也似到東缺幾百里是年八月有純元王后
喪昇遐之夕大雷電甲午純祖大王昇遐之日亦有

大雷與此日同

至尊之稱

臣稱君為至尊吳有壇謂于孫吳之世據三國志周瑜病孫權書曰曹公在北劉脩寄寓此至尊垂慮之日魯肅謂權曰願至尊威德加乎四海後世作恒用文字

寡人之稱

春秋戰國時諸侯王皆稱寡人至漢猶然如漢王為義帝發喪遣使告諸侯曰寡人親為發喪稱寡人之始也禮記庶方小侯自稱曰孤諸侯自稱曰寡人謙

辭也

先拜稟

百官行禮公故每有先拜稟即侍衛諸臣出宮前先入內庭行禮之謂也每每除之登極後或有一二次行之余於憲哲兩朝見之近日不察侍衛班故不知行與不行矣

中嚴外辨之始

上出宮時有初嚴二嚴大嚴座則間有中嚴而三嚴後有外辨稟宋時初之也唐書禮樂志皇帝親征中嚴其日上水五刻侍中版奏請中嚴銀戟近侍列于

前肅宗入為皇太子有司行冊禮其儀有中嚴外辦
又曰日未明四刻提一鼓為一嚴二刻提二鼓為再
嚴一刻提三鼓為三嚴宋王禹偁南郊大禮詩曰彩
城殘月帶微霜啟奏中嚴夜未央以王禹偁詩見之
中嚴在三嚴之前無疑也

書房色司謁

掖屬中司謁有書房色進排殿座之具書硯筆墨糊
紙等屬大內終日呼之者乃書房色而多呼為西班
色非也

朝服即祭時服也。陰官不得着金冠。別有祭官而多
濫着金冠。正廟禁之曰。可具之。玉不珮。當禁之。冠着
之初。朝紳珮玉。無匣與自上珮玉。或交結為未安
中古皆以紗作匣。珮玉之有匣。非古制也。

內府書案

憲廟嘗命姜葵五造一書案。大可展唐秘書卷上
有蓋。若環盤之輪轉。朝夕對之。賤臣不知。幾遭侍案
頭矣。己酉後二十年。此物流落在山寺。適與余遇。遂
厚償置。余度以寓義牆之墓。

松都行幸謁聖

英宗庚申幸松京回鑾時謁聖于本府成均館設庭
試仍為放榜後援以為例

見大臣下馬

當寧戊辰行幸回路鄭元容郊迎上下馬問其筋力
禮遇大臣莫盛於今日也

寧遠伯畫像

寧遠伯祀孫居江華甲午黃山金公道根奉來其畫
像諸公瞻拜更為移模還奉本家眼色真紅袍白玉
帶烏帽如新恩所着幘頭近宋制也厥像白皙媚嫵
非凡相也

初拜相執心之難

趙心庵言於余曰拜相初也心界難定有若生病且見間司漫職之出於朝紙者亦皆新奇挨至三四年則便忘多少商量余今消磨十年光陰益覺此言之信也

公之稱

白帝通公者謂三公及二王後也柳子厚房公銘亦謂天子之三公稱公王者之後稱公諸侯入為王卿士稱公此皆以爵位稱者也陪臣之稱公濫也而凡人墓道儒士處士之稱公尤非也彼此相呼亦稱公

戰國策毛遂所謂公等碌碌晉書樂志論公莫舞註
所謂古人相呼曰公是也方外亦有稱公者如遠公
支公之類是也有孫呼祖為公者呂氏春秋孔子謂
弟子曰子之公有恙乎次及其父母是祖之稱公其
來最古

五日一朝之始

五日一朝每稱用裴度故事其實非也漢書孔光傳
令太師毋朝十日一賜餐師古註言十日一入朝此
禮實自孔光始王莽在哀帝時亦同隋文帝忌楊素
敕曰僕射國之宰輔不可親細務但三五日一朝唐

李靖以疾三兩日一至朝堂姚崇年老玄宗命五日一朝此皆裴度之前後鄭覃杜佑亦並五日一朝宋史王旦呂夷簡王隨何執中一月止六叅起居東國一月六叅之例昉於漢唐宋故事也

乞休疏難於措辭

金游觀常言曰致仕得就非不難矣而疏章之措辭尤難對余甚悶之曰南金陵至數十次未滿十行余每於草疏必思公言壬申十一疏石坡公下書曰年并製疏其語綽綽有裕可謂文章也

都提調廳巡綽牌

軍門都提調時或權察大將則用巡綽牌他營皆因循廢閣若有用時大將所牌紙裹着署甚苟艱也獨禁衛營別有此牌其中有都巡牌大如碗此大將所之所無而雖無時可以摘奸又名摘奸牌

文衡傳硯詩

文衡新園人於主園人有師生之誼每有傳硯詩吳西坡道一用空門語即如衣鉢之傳也金穎樵傳硯於朴齋堂亦用空門語示余余曰此西坡故事也

楓臯疏薦文衡人

楓臯疏曰今番被圈之數並臣新舊共五人臣請歷

陳臣與四人之實試垂照焉臣之蔑裂衰謬即姑捨
無論如朴宗薰之咀掇英華不失規度臣不及也洪
奭周之博學強記應用不窮臣不及也徐有榘之力
追古轍至老靡休臣不及也申在植之經緯經史主
於從順臣不及也此皆今日之良才而捨之不顧最
下如臣乃使掩而過之未審昭代之文治何由而成
四方之文風何由而振也

耆老所

靈壽閣修改時戶禮堂郎進叅雖未七十人肅拜舉
行例也古傳因公肅拜者更不得肅拜於此謂壽不

及七十也希谷相公以戶判經是役嘆息而歸果如其說自後人多避之有事則只遣郎官堂上惟書進字而已噫壽限安有係於此也人之忌避可笑也在昔英廟入耆社時百官隨而行禮近來翼廟在春邸歷臨亦有侍從之臣其班次中後躋耆耄者豈盡可數也哉

脩堂拿處

金海石為時相行次對脩堂無幾人入叅公請拿處則諸宰是非紛起曰公故未叅罷職可也何可使士大夫微事對吏乎公愀然曰諸宰之所帶提調並汰

故如是古之重名檢輕爵祿可見也甲子余與心庵
登對心庵奏脩堂之進叅稀少廉教一併減下余欲
引故事匡救以首相之無言止之至今愧恨

仕宦最久

明尚書胡濙歷事六朝垂六十年王恕五十餘年英
國公張輔之子懋嗣公爵六十六年握兵柄者四十
年劉琬五十餘年郭鑑五十年本朝立朝七十餘年
惟鄭相元容一人而已歷代所未見也

大夫之稱

大夫本秦漢時士人之通稱漢書高祖紀呂公從沛

令沛中豪傑吏間令有重名皆往賀蕭何為主吏令
諸大夫日進不滿千錢坐之堂下按沛中豪傑吏不
過鄉豪及健吏之類而通謂之大夫蓋秦制賜民爵
有大夫官大夫公大夫五大夫七大夫諸稱漢書註
五大夫第九爵也七大夫第七爵也大夫第五爵也
度其時民之有此爵者人即以其爵呼之遂為尊奉
之呼東國之制六品是通德郎而未經郎階陞六則
即為大夫非也

官職與前代異同

翰林之名本於楊子雲長楊賦所謂子墨客卿問於

翰林主人蓋謂文學之林東國檢閱是也學士之名
其來最久裴松之三國志註正始中詔議郎卬普延
學士是曹魏時已有學士之稱也東國提學是也侍
讀侍講修撰編檢石林燕語謂咸平中始置翰林侍
讀楊徽之為之侍講邢昺為之王阮亭香祖筆記引
為之始東國玉堂是也唐時不必皆由進士出身庶
吉士明初始然不僅作翰林院官選進士在翰林院
及承敕監近侍者似東國假注書也明時翰林不必
皆由庶吉士殿閣大學士起于唐舊唐書李通傳
中宗景龍二年修文館置大學士四員以李嶠宗楚

客趙彥昭常嗣立為之此大學士之始也東國大提
學是也中書舍人其始甚微孫資既老致仕齊王芳
特為置舍人官騎是本供中書監令之後使者也與
東國中書舍人有異也祭酒非官名同輩之長曰祭
酒蓋飲食聚會必推長者先祭胡廣曰古禮賓客得
主人饌則老者一人舉酒而祭示有先也東國成均
之職其實相同也監司非古之刺史范文正公為人
作墓誌以轉運使為刺史尹師魯言其誤即改之今
人以各巡道比古之刺史亦非也古刺史正如明時
巡按御史耳巡按御史以七品官為之東國以監司

謂刺史為習眼未攷其品也兵馬司起于元世祖捕盜職也吏部制子籤行於孫丕揚萬曆法也

授官表讓

古人授官例有讓表劉寔云唐虞禹讓稷契皋陶之遺意文心雕龍曰昔晉文受冊三辭從命是以漢末讓表以三為斷曹操著令表不必三讓清朝之制凡三品以上遷官者但有謝摺無偽為辭讓之事於以見朝廷尊嚴風氣敦實東國之所辭之職三公文衡則三讓吏戶兵曹判書吏曹叅判叅議兩館提學大司成閣臣監司留守及進階一二品者只一讓而已

貼黃

中州刑部本督撫題刑名本例有貼黃以篇幅繁多
節其略別為一幅貼於本後所以便觀覽也崇禎中
輔臣李國樞奏仿古人撮黃之法以宣此式唐有貼
黃之制乃詔勅所用有所更改亦以黃紙貼之謂之
貼黃宋蔡劄皆白紙而意有未盡亦以黃紙貼于後
亦謂之貼黃司馬溫公蘇東坡集一疏後至十數條
貼黃清國但摘取疏中要緊語貼于後宋貼黃王予
詳清貼黃王予簡今則貼黃上更加撮白王阮亭謂
不知撮白為何語東國啓遠文書若有改之者則貼

黃稟之疏奏亦有別貼黃古者盛行而今則無之以
余所經徐文貞俊輔疏一見之

行香

外省文武官每朔望例向文武廟行香按行香之名
起于六朝東國望闕禮是也中國各忌日皆行之東
國只行聖誕日奉命使臣亦然

名帖

以紙通名謂之拜帖劉馮事始云古者削木以書姓
名故謂之刺後世以紙書謂之名帖漢初猶謂之謁
史記酈生踵門上謁漢唐以後皆行名帖朋友相尋

亦有之明清尤盛行東國卿大夫只用於潭府餘不行非古法也

答臀

漢文除肉刑以答代劓刖後以答數多反多死乃遞減管數又定箠令當答者答臀毋得更人畢一罪乃更人唐創杖架束以木索並用夾兩股謂之夾幫東國初刑杖無定數平度公朴嘗奏定三十度為一次定俟限其後大昌云國忌日不決囚唐制也孕婦緩刑北史崔浩定之東國亦遵而行之

定棍制

古制用棍於軍旅無定制止廟丁酉命相臣將臣刑
官捕將定其制曰年少將臣念頭傷人可慮長廣尺
數厚薄及杖數議定無過十五度限死嚴棍三十度
因撰欽恤典則

戒石銘

郡縣廳事之南有亭書甫俸甫祿民脂民膏下民易
虐上天難欺十六字謂之戒石銘黃庭堅所書而實
則始頌於宋太宗所書者也歐陽公集古錄云起於
唐明皇令浙中有四句云天有昭鑒國有明法爾畏
爾謹以中刑罰此不知起於何人我國英宗大王實

齡八十一歲書下民惟邦本本固邦寧八字刻揭八
道各邑俾常目在之此宋宗之戒石也余與洪祁堂
以是奏於庚午講筵而世說所載訟堂清慎勤三字
之揭未及奏之

官府乘轎

明初三品以上乘轎四品以下乘馬在外自大使以
下皆乘馬武官勲戚亦如之惟年老公侯及拜三公
者賜轎然後嘉隆以來南京無大小皆乘輿惟有两
人四人之分肩輿宋史考殿為周太祖相以病乞致
仕周祖不許賜白藤肩輿召至便殿勉諭然則宰相

及大臣乘肩輿蓋自唐初有特恩賜者其後自相沿倣遂為常制也近年東使入燕時乘四人轎彼人責其濫乘兩人轎者不問繩轎亦古制也余見東華門內柏後以閣老乘紅肩輿前道禮部燈似是皇賜也朝臣呵引張傘

正廟朝以朝臣呵引張傘之制收議金忠翼尚詰徐文忠命善皆以時相獻議有引則有傘無引則無傘著為式今上甲子後於禁中惟正一品張傘事下教關外則一如古制

按月分俸

南史阮長之傳宋以前郡邑官田祿以芒種為斷芒
種前去官者則一年祿悉歸後人至元嘉末始改此
科計月分祿是按月分俸自宋元嘉末始也東國初
制四等排祿壬辰後以奴料每朔二十五日頒給即
開月預受也甲子後當月初一日定式惟十二月晦
預借正月祿

致仕官給俸

致仕官給俸之例起於漢平帝詔天下吏二千石以
上年老致仕者三分其祿以一與之終身石奮以上
大夫祿歸老子家周仁以二千石祿歸老張歐請免

以上大夫祿寵之蓋優老之典也東國大臣有月致之規臨時度支稟定多少餘受九品祿

幕府之始

漢書李廣傳幕府省文書註晉灼曰莫大也衛青征匈奴絕大莫帝就拜大將軍于莫中府故曰幕府莫府之名始此師古曰此說非也莫府者以軍幕為義古者通用耳軍旅無常居故以帳幕言之廩頗李牧市租皆入幕府非因衛青始有其稱也東國以佐幕人為幕府以帳幕觀之主帥獨不為幕府乎故事之

龐用類皆如是

外命婦儀

梧川公一日命其子曰甫之母親聞某家婚禮甫其脩儀送之乃具六人輜輶引陪送者甚盛夫人着蓋頭唐衣此不過百年間事也自後此例漸廢非但器具之難辦實出入之頻數故也

仙源後裔不吸草

仙源先生江都殉節後其後孫不吸煙茶至均字行始吸之噫東國吸草之弊可勝道哉老少俱癖莫能禁止獨先生後裔固守十世不近一團草可見其家法之嚴而亦可知操行之篤也

牛溪墓下馬石

蔡樊巖過坡州牛溪先生墓必下馬曰我少時陪英
廟幸松京也見君上亦為之式安得不下馬後金翼
憲履素為畿伯置下馬石

華城籌室

華城經始之初正廟命諸臣籌室申公大升及徐公
有鄰蔡公濟恭室先成上御得中亭指點問名便以
輕輿從田間小徑巡覽焉時申公之子緯在室中不
覺紅繖已臨於簷前蒼黃伏地上曰此有家所籌乎
對曰然上曰爾隨後入得中亭觀射可乎是日仰觀

神弓俯飲天饌及退夜已二鼓矣

敕使見地方官下馬

余在灣府也敕使瑞常和色本還渡江時余告辭於江頭兩勅皆下馬拱手揖別勅使之下馬話別灣上初有也後連有通信間兩勅沒於南匪之後云瑞常弭芝生書贈四時香館和色本號勿齋書贈橘山意園扁字

棘園

貢院四圍重牆皆插棘所以杜傳遞出入之弊五代史和凝傳進士多喧嘩以動主司每放榜則圍之以

棘凝知貢舉撤棘開門而士皆肅然則設棘乃放榜
時防士子喧噪耳東國棘園之設有名無實惟三南
以棘園之遠省舉人給驛馬開寶年間雲貴四川人
給之清亦遵行東國惟深北及濟州許之

讀券官

清國廷試進士例點大臣為讀券官今對策進呈後
皆上親閱不煩大臣讀也古時則實於御前跪讀宋
史王沂最善讀仁宗每試舉人經沂讀者多在高第
舉子納券必曰得王楚之望讀之幸也東國親臨試有
讀券官而不讀券試券使對讀官讀券於御前非也

古意則不御考時讀券官替而行之是主文命官之稱而對讀官助讀券官者也

殿試彌封另謄

獨醒雜志紹興庚辰殿上親閱券問對讀官云鶴鳴却寫作鶴鳴嗚呼却寫作嗚呼何也對讀官李浩曰臣讀至此亦疑之然以其正本如此不敢改易乃取正本視之果然是宋時殿試亦彌封另謄進呈也宋史常安民傳安民試第一主司啓封見其年少欲下之常秩不可曰糊名較藝豈容輒易此蓋禮部試非廷試也東國封彌之法尚在另謄即易書也純祖丙

成後以所費之多此法革

到記科準的

尹公命主工於功令文字小成後大言曰我無過五
到記可為及第至三到記入賞格第四居二第五擢
魁古之主試有識鑑故士子之準的能如是也

朝臣禮葬

文蔭武正二品以上本有禮葬壬辰後權減故卒浙
軍子懸註而入惟一品有造墓軍價兵曹九十名代
錢九十兩惠廳九十石雖未經判義禁皆給之大臣
禮葬不受則有從優輸送之例大臣國舅儀賓遭艱

度支別聘儀造墓軍兵曹惠廳各六十名沿路護喪
墓閣設遞帳皆以諸置米會減

無判義禁

帶知義禁人陞一品則單付無判義禁蓋別設也後
判義禁有關則陞付而無魚字余之所見惟權彞齋
一人也

院隸呼陞

院規呼牌陞皆呼名而承旨先生不呼名文臣皆經
承旨而武臣雖大將未經承旨則呼之惟陞資正卿
則不呼近規未知如何也

篠齋勿問院隸

篠齋徐公名淇修以曾經翰注起廢純祖乙酉為文學謝恩日院隸誤高聲贊名老吏請罪之公笑曰誰知我二十年前翰注先生其勿問院例注書實官先生院隸不得呼名字而公見其誤不責之可見其量之優也

東閣殿額書寫人賞典

甲午營建別單書寫人賜鹿皮紫霞見后崖戲言今番賞典我比諸公應消得十領鹿皮后崖曰何以故紫霞曰記首先朝宰臣有權祿蔭官有丁一元者合

丁姓名三字當不得權一姓字之半時人嘲謔以為口實今諸公扁書諸殿閣比我書歡慶二字繁簡相懸而一例受一領皮不幾近於權丁之謔耶石崖大笑曰余則以奴婢失鹿皮向我勿為此言也蓋賞典之法一人雖兼數事無得疊受故石崖之言如此云

玉堂故事

俗言玉堂舊有宋宣和御畫鷹立軸館中人偶一狎玩則能致災害其驗立至館吏戎勿犯觸年久閉而不敢開余昔在館一日毅然展視非宣和御迹乃呂紀翎毛並非鷹也是日諸學士或有慮以俗忌者竟

然無所驗余甚笑其傳言之誕也館中鶴舊例學士
上直飼其餘食若值空館飼在御苑聞因飛去更不
代畜云又有怪石一對並菖蒲繞身長青年壽不知
紀亦館中之奇物也按李平泉義甲廢久鎖見此簇
正廟聞之即遞之以實故事之聖意也李公喜而出
未及闕門復為之直事如故造化在上天非人力所
可存偉望也

玉堂差除

古規玉堂有闕則政院即啓開政差代英廟朝夜中
有闕翌朝請政趙豐原以時相罪在院承旨曰列聖

朝玉堂差出之政政官每留門入來近則罕見云云
其成就聖學之所重如此也

太學銀盃

正宗戊午試太學生宣饌賜以銀盃篆其腹曰我有
嘉賓命大司成李晚秀銘其背藏之太學近侍之臣
入庭諸生詩以颺之國朝故事太宗賜青花盃成宗
宣法醞賜畫盃畫鍾失於兵孝宗降御札賜銀盃一
隻續舊典不知戊午盃尚在寶藏也

千牛不簡嫡庶表

慈寧

褚遂良表曰臣聞主祭祀之貴必資於嫡長擢文武

之材無限於正庶故知求賢之務有異於承家前王
制禮緣情斯極永嘉以來王塗不競在於河北風俗
頗乖嫡侍庶而若奴妻遇妾而如婢廢情虧禮轉相
因習搆怨於室取笑於朝莫能自悔死而無悔降及
隋代斯流遂遠獨孤后罕睢鳩之德同北鷄之晨嚴
禁庶子不得入侍自始及末怨曠未弭聖朝御治深
革前弊人以身進不論嫡正自茲二紀多士如林今
者簡千牛舍人方此為制臣竊思審於理未安何者
母以子貴子不緣母也今以母非正室便言子無夷
仕則趙衰孕於越婢遙集產於胡姬田文枚舉皆妾

子也文則播美於強齊臯則有聲於隆漢未聞前載
有所間然此類甚多脩存史冊今反棄古實從近事
以姑息之政施明駁之日非徒英雋交屈固亦競端
斯始王者設教務慎其源源流一開為弊必甚倘側
室之子負才而不用君棄於上家輕於下忠孝不展
友愛無施如此等人豈不怨憤至於昨來檢括麤人
公孫武遠及崔仁師等兒多是嫡子故知善惡由乎
積習邪正寧限嫡庶必然之理不言可明伏願更量
可否還遵舊制不使側室之胄有高才而被屈正妻
之子雖至愚而獲用則分鑣諍訟無因發矣前選已

了不可更延乃今補闕猶得詳審按此表出於唐史
嫡庶之分甚於唐之諸大家可知也東方古無此別
中古見枳令雖疏通承宣佐貳並皆許之猶不免方
分之嫌至有椒林之稱未知起於何時而椒者孽之
謂也作為尊大之號尤為悲夫

庶類䟽請序齒

正廟朝庶類䟽請序齒太學諸生不肯許之大臣以
為前後聖教每軫䟽通之政內而官職之制外而校
院之任叅量酌定俾有實效今於序齒一事獨為靳
持則有非仰體聖意之道許多庶儒似不無抑鬱之

心臣意則許之無妨矣上從之至今遵行為國朝美法

庶類疏通收議

純祖朝以庶孽通清事因萬人䟽收議楓亭金公䟽曰庶類枳塞不惟歷代萬國之所未有即亦國初之未常然曰語其始請枳塞之由則不過庸碌無識之人挾憾報復之計語其後議疏通之舉則非東方之大賢皆不世之名臣碩輔塞與通之間其是非得失自有不待辨而可知者矣且人之貴賤窮達皆有生以後之事而至於此人則其身未生而已賤其命未

賦而已窮豈天地生物之理固若是耶至若為子弟
而不敢稱父兄為血屬而不得承系序充天下古今
非常反經之事而習俗之久迷不知悟無他枳塞之
故也重仕宦輕人倫又豈人心之所安亦法典之毆
使然耳今若枳塞一開則父兄之稱系序之承恐不
煩朝家之約束人倫自正天理自明而庶類亦知所
自勉於是乎隨其族姓之華否人咒之優劣斟酌用
舍則在國家可以無遺才之歎在庶類可以解抱冤
之苦矣愚淺之見竊謂疏通實合於明天理正人倫
盡賢才之道矣公之此議頃刻遍滿一國謂之以長

安紙價貴亦非過語也

華山之族

白沙先生側室吳氏贊成謙庶孫玉山李瑀之外孫也納于先生大有切墓銘李白軒撰之其後孫居抱川華山甚多鰲恩君使之勿書庶字後或書賤字者貞公禁之又或以下字書之余議于宗中并與下字而去之

玉河館卒

甲子余以別迎慰使出弘濟院勅行中一卒向前叩頭余驚恠之象譯中與余同往燕京者曰此是玉河

館守門卒也其卒曰中國仕宦翰林人十九年間不得入閣而大人回還纔二十年已為入閣甚壯矣東國仕路之速亦推以知之也

金醫責吏吏

金時中兒醫有名人也屢典州縣品亦不卑一日來謁於先王考時適有客數某宰家某姓名金叱曰汝以下賤於宰相之前斥呼宰相名罪當何居客恠之曰君以我為何如人耶金醉眼矇矓曰爾是吏吏也吾絕憎吏輩之恣放於卿宰家也客笑曰君言果是吾非吏吏也金始推謝王考饋以酒歎惜不已金之

祖先皆余家舊人而金自兒時長於余家者為人辣
放善飲酒賦詩畫墨竹能入神人罕見之

洪尚書居官

洪公者變屢興州郡善居官平生不與上官相較又
不辭狀曰吾真欲決去就則已何必觀苟苟外面作
無謂之事乎公之此舉人則視若尋常其實則內剛
也居官者不可不知

娉婷公主

陳其年填詞有贈孫似愷李廉一闋朝鮮采風集中
載娉婷公主詩一段蓋月山大君諱娉故采風集誤

作娉婷遂轉訛為娉婷公主也此與鄭夾漈通志汝南公主墓誌誤載以狄道人墓誌者頗相類耳

專羅道

余長喉院有漂人出來啓本全羅道之全字書以專字諸議皆以為誤書欲問脩道臣余曰道名豈有誤書取見咨文則果以專字書之我國啓本只謄咨者故如是書之遂勿問

雜術不勝正氣

某縣有雜術人鎮校捕而縛之不見人止縛木石後有人語鎮校曰某在彼胡不提校以力不及答其人

曰與我偕至則綑縛不得脫其指示者所學正而邪不能逃也澤堂之言亡家之事非一而好雜術者必亡家也斯之謂也

紫霞知南金陵

南金陵在亞卿時紫霞申公與楓臯公談次偶及金陵相法真玉色正金聲心畫有明宣際古氣必位極人臣年躋上壽非餘人可及也及金陵位上相入者社楓臯公屢嘆其有先見也余少時謁金陵韶顏野眼真神仙中人也

希谷之言

李希谷嘗指示盆松于埤地者曰松樹子已焚焚可愛幾何不棟梁用乎此雖尋常微言可見成家氣象後生之言語間必從渾厚邊也

閔門百歲老夫人

閔公魯行雅顏慈母七十九製其子花甲衣老綠朝衫暗綠氎衣壽九十餘而卒稱為百歲老人余先考聞而貴之問名其孫薦拜霞郎

六橋唐癖

李六橋祖默癖於唐與翁星原最善每都行厚往薄來至有蘭亭蠅十龍出送之事而極矣星原願見六

橋而不得六橋圖其像送之復願見全體乃琢石成
形付之衆譯衆譯輩受厚資至遼東市棄之因而家
產日絀晚年無家僦居一房猶有法華經一帙在其
傍凡好唐者多而至於蕩析過矣此所謂孫叔教慎
勿學也

聽琴大歸

楓石太史八十二疾革使侍者彈琴于側曲闌而終
此至人忘形尸解之一事也余覽公家狀及於此未
嘗不茫然歎息凡軒駟鳴珂敝緼躡屨其歸也一也
公以平日蓄儲發於大歸之時聽琴怡然無怛化色

非庸人可跂也

李持卿夢

李公維謙字持卿昔有枳甲午上元夜夢一老人告
曰且須耐到一望翌年乙未上元日家有敝典始驗
其夢持卿又嘗有夢詩曰若有餘清通佛耳花無不
散見天心古人詩云萬事抵前定浮生空自忙此之
謂也

夢託葬親

余於丙寅蟄在鄉廬余舊幕李君明植死未終喪夢
見余請葬其母覺而異之未移時其母之訃書至乃

厚給葬資噫夢適然而其母死實也李君精魄能使人感於夢如是耶實未可知也

夢中作偈

海道人夢作禪偈只記一點青山雲外雲夢中夢儘禪語也若曰一點點青山青雲外雲夢中夢如何也道人又夢得一聯曰不是惺不是夢也無偈也無詩大似青蓮舌底口氣夫是夢也緣起於鏡花因想於山雲而冰偈非詩漸臻禪理難去答來成一話頭古祖師木犀香柏樹子又無以過之誰知十丈狂塵內有此清淨道場者重公案不可無述

徐石史移家

徐石史德井家在藥城之寶蓮山下前後凡移家七十二處三十年不赴舉常曰使我有試紙債一百錢足以醉五十盃濁酒有湖海周旋錄楓翁詩最多

橐駝橋長明燈

高麗人詩曰天壽門前柳絮飛一壺誰得故人歸
眼穿落日長亭晚多少行人近覺非
天壽寺在橐駝橋之東為麗時迎人送客之所故詩語如此也
寺今燬猶有長明燈一座巋然在野田中耳

圓隱錄事

高麗侍中圓隱先生鄭文忠公夢周成仁之日公之
錄事同公遇害今善竹橋有錄事碑俗稱泣碑者紀
其事然史失名碑亦無徵此為千古可恨近崧陽人
從故家敗龍鼓一蠹簡乃珍璽金氏世譜嘉靖癸未
開雕者譜有名曰慶祚官錄事從鄭文忠公遇害書
之甚悉其父曰九恭愍朝侍中也崧之人士咸以譜
為惇史遂立一碑于舊碑傍

金堤萬頃沃野坪

余巡部湖南過金堤萬頃坪一望無際牧利萬石落
此所謂沃野坪之登劇人打令者也曾見海西南無

坪載寧安岳信川黃州鳳山文化長連并延袤幾百
里比萬頃坪過之

席邱

鎮川邑治十里有席邱豐山洪氏先塋也耳溪淄居
士張斗星秘記葬其親開張甚鉅席巖在後漢南大
地也有席出游則子孫必有喜地理實未可究然有
天理則地亦有理耶惑之者敗攻之者亦敗三才俱
合然後始得之福人逢吉地者人和也

太華亭

故相具忠武仁宦賜第宅在里門內稱為傑家有太

華亭即蓮堂也此為長安之中以石標之後屢易主

百花堂

正廟尊第於會賢洞賜鄭公東菴間架侈麗有百花堂於園中不過六七間而名傳一國至有百花堂之歌以今眼目見之不滿一閤也

盜詩圖

子梅王鴻中州人也到平原東門逸詩卷成盜詩圖徵詩於海內文士亦及吾東余曰今古王郎李博士綠林中有愛才情捨身風雅能如此勝我平生浪盜名又曰平原豪客無千古欲盜君詩補逸詩雪月芳

簷燈影閃文昌半夜一躔移

佛祖

梁武帝時達摩來自西土為初祖慧可為二祖僧繇
為三祖道信為四祖弘忍為五祖慧能為六祖自中
華五祖之下曹溪六祖為南宗神秀大師為北宗又
達摩西來為禪宗初祖遞傳至弘忍為五祖自此而
下分南北二宗南宗以慧能為六祖北宗以神秀為
六祖此是佛家語而既寓目故錄作考據之資東國
初祖太古普愚為始也北漢有太古寺御碑

金剛經塔圖

塔七層俱有簷欄檻瓦當皆以經字寫成此塔相傳
是文殊大士所製梵僧自天竺携來在宋始勒于石
今得孫蓮隱所弄明萬曆間陸宮保樹椿陳徵君繼
儒等施刻董香光其昌所書本重鐫刊施願共一切
見聞隨喜普證菩提同到彼處云此圖辛未望月寺
居士性月重刊者也余於中州天寧寺見寶塔以鐵
鑄成又有塔圖長可十餘間刻華嚴經與金經圖同
製也

世界

世界見首楞嚴經佛告阿難言世為遷流界為方位

東西南北東南西南東北西北上下為界過去未來
現在為世方位有十流數有三猶淮南子云往古來
今謂之宙四方上下謂之宇也楊子雲太玄則謂闔
天謂之宇闢宇謂之宙陸績云闔天地晝夜之稱闢
謂開天地晝夜之稱近見洋人文書輒稱亞細亞此
謂世界之稱云

三幕

冠岳在始興果川之界有三幕寺三韓古刹也新羅
僧元曉姓薛義湘姓牙尹弼姓尹一母異父兄弟也
分居冠岳元曉一幕今只墟義湘三幕尚存尹弼二

幕今念佛庵是也世謂之三聖山

無學峯

光熙門外有安靜寺舊下有香木一株形如癸而露不及而茂盛若松廣之普照杖浮石之義湘杖果谷義湘杖詩曰琢玉森森倚寺門僧言托錫化靈根杖頭自有曹溪水不借乾坤而露恩安靜樹不知來歷而其後峯曰無學峰無學大師登峯占國都此所謂杜尋到此者也

箕尹兼尉院官

肅廟朝殿試一試券具祖之職銜即平壤廐尹而

無司廩食院主簿上恠問之左右無以對南藥泉曰壬辰西駕時沿海守令皆無是職南公之遭際始于此近來外道罪人之推治也道臣兼義禁之職後日見之與厨院官之一時權帶無異也

康熙九經

康熙皇帝命善書朝紳分寫九經鏤板傳為鴻寶趙心庵使名譚李尚迪購來李譚廣搜市肆及朝士家無有臨歸一人願賣券不帙而呼價七百銀李譚以不能携告心庵嗟歎之曰七百銀常有而此書不常有文人之愛書如此余於年前得九經一帙宣紙漆

板裱潢經鮮必是中州古家物也

試體之嚴

憲宗辛丑花梨朴莛溪主文御題山東父老扶杖聽
詔而魁券聽字誤書以請字洪冠嚴以讀券官言於
朴公曰更觀書題朴公始知其誤雖置落考然瞪目
視洪公其意不必摘發於合考之券也近則合考時
侍衛之列舉皆圍立爭相可否非也

朴記注考

朴公容壽大人壽躋大耋每峻責其子弟有不忍聞
之教公輒和顏承順含笑仰對公為注書時使政院

軀史擔便輿院規非時任承史則不為任使公乃徐
趨下庭親擔父輿院屬惶恐遂替擔之此事為堂后
故事余於兒時慣聞公之孝也

巖伯再任

俞文憲拓基再任巖伯臨歸不欲携錢盡散營屬因
以為例名為遞等例下年次減之今為萬餘兩各道
援用是例雖大小不均名色則皆有之未準爪則用
半遞等例

完伯再任

凡官職之再任者必嫻於當官之事而董山李公再

任完伯具治大不如前人恠問之曰吾以善治得譽
至於再任不欲更要其聲人咸服之余遊湖南察公
前後事迹前則勵精圖治後則但修舉而已公之本
意可知然得意之地勿再往者是歟

有將家風

丙寅洋擾李將臣景純於政府座以戎服請出戰具
時議論嚮貳至謂之駭愕而此實有將家氣者昔壬
申西賊時巡撫使以李公堯憲啓差李將臣之祖得
濟宿將也言於時相金公曰僕世將也今當用武之
際何為使我作守家老卒乎金公笑曰當今倚重者

公也都城有誰擔當乎噫李將臣丙寅之舉寔由家庭遺風也

誤學史記

余幼時學史記於一伯強至楚懷王孫心句數之曰楚懷王名孫心李清吏仁默文章士也在座聞之大驚曰此何說也楚懷王之孫曰心何為如是教之乎即使余就學于廣陵江上兒輩之初學不可不審也

文字相贈

聞於先輩好文字如日月之明人皆知光輝而至若中等人不可贈志趣異者愚者于慮必有一得而吾

之費心處一切短之安有全篇一卷俱疵之理哉善
看病者隨處藥之此夫子之道也余於是三復之

秋潭三書

趙秋潭善鄉居自陶山移接清平川起清斯樓手鈔
古今書籍作三架烏絲闌頁立年號上架書古史中
架書東事下架書家乘是為三書光陰已垂七十而
不倦著書之役也

文東湖

文東湖德教關北理學之祖也與金清陰為道義交
南藥泉閔老峰尹明齋諸公皆序其集蓋李松菴稱

為北闕大儒而亦出於其門也朝家贈都承旨配享
文會書院余欲奏如贈賜謚解相職未果甚恨

風字碑

尹三山刻先山碑誤落一字不得已前面陷之若風
字硯搗中刻大字甚有雅致後人爭相仿之金石變
其制老鐫工朴枝春言於余如是

五色泉

襄陽海水滙處石間有一小泉名曰五色泉泉上有
小花樹其花五色故也其泉能療百病名於國中花
樹則今無

朴將軍

白沙先生將豎定獻公神道碑募墓下人百餘名饋
餼暨退之際山上大喧鬧曰碑自立先生大驚恠問
之則皆不知惟朴將軍者以體府軍官陪來告曰不
必費許多人力俄已自豎之矣先生責曰若恃膂力
不識尊敬之體決棍三度此說傳於家中

李貞翼用兵

兵不在多在人調用所以古之良將將兵多少不
一惟兵仙多多益善庸將之多兵反害無益不能運
用如力弱而器大左之右之量與力俱不逮故也貞

翼李公浣鍊兵於露梁鼓而驅之兵入江中不敢出
近世將不知兵兵不知將猝遇風而各自逃散其何
可臨敵而退之乎不可不先擇其材而後任之也

胡債

柵胡與我人交券北胡亦與我人請帳統稱爲胡債
倭人之相關於我人者尤多柵債至有出盜之時北
債每有開市之舉倭債或有出館之撓倭則不見西
胡曾所經歷將啓邊釁其虞憂有不可勝言也

各道風俗

畿內非京非鄉其俗野湖西以鄉倣京其俗闡湖南

挽畿內染湖西其俗巧嶺南由真入儉其俗嗇閩東
窮而踈其俗鹵閩北處東南之交其俗實且吝閩西
處繁華之地其俗多浮誇海西接畿涇之會其俗輒
而美李文成約白沙先生與之同居卽石潭也余遍
觀八路而惟閩東稍疏也

魚箭

我國三面環海魚鹽之利勝於山澤而七山之衆漸
不如古元山之峙名存實無至若延平青魚雖曰一
時之產遍國中與元山魚等咸豐以後唐船趁風下
之節蟻附豐潤之畧大船浮於中流小船之興販資

於大船我人乘其利非但賣魚而已百物皆入彼則
網利而去散於柵藩間其價比我不甚相遠余二十
年前自東八站還熟知此事後在灣灣人買魚於柵
市留海西問其海路去柵不遠乃斬巨僧三數人其
習稍息漸復如前蓋道光時無此弊咸豐之後法令
不能遠暨也近聞甕營多設追捕武士此足啓邊釁
其防未可必也

保障之地

近京保障三處沁都南北漢而沁都築城後路失沮
如之險且有洋船窺覷之憂但有兩山城而山城每

在陡絕之處傍通大路可以運糧井與池俱多然後
稍可用之北漢山多磽确土無片畊實非久計之地
南漢土稍厚水根頗遠東門外通大路足有運糧之
道我知彼亦知之東門塞則南路隨以塞惟可通者
西門于橐之裹何可計自而計歲乎此路南自水原
通三南東抵楊根以通關東然南塞則東非資食之
所此又非久計處猶勝於北漢之阨至於城餉到處
枵然全無安不忘危之慮良非細故也

產穀

兵法先得地理者貴其通糧道也三南謂之穀產而

嶺則半歸於下納所餘不敷然足可當一道之出而
大嶺阻其前巨浸橫其後海漕陸運非指日可準湖
西雖曰便近生殖無多除却全道人所食遺儲零瑣
故京師所恃全靠於湖南湖南之路比嶺南半之較
湖西稍遠有急則先發湖西使湖南繼之若欲徵於
畿內則是龜背之刮狼狽必矣無如務盡積峙之方
先用公穀次論私穀而今兩倉頒祿不繼將焉謀蓄
儲為哉

運穀

辛亥大浸關西告歉朝廷議賑令三南運穀余在湖

南當是役發糴穀於沿邊邑塗之以紙網之以繩竭
力運去至則賒事已畢發賣於大同江頭無故之湖
南邊邑做歉道內隨以翔貴廟美之運穀一事極詳
審處也

大臣救蝕


政府救日食三四宰俱是老病將變通南金陵時適
獨相聞而自赴曰豈以吾占便通而僚堂乎大臣之
救日食罕有而時論韙之


泮試題


余少時赴泮試權彙齋題曰高漸離念翌日又題曰

句天無人帝悲傷使巫陽下招其日移承旨人謂已
念其去又待下招也金公鼎均泮題曰觀先生之玉
貌非有求於平原君者一少年改書之曰觀先生之
恠貌必有求於府院君者而改字尺四而原字同音
一世傳為才談其習則惡矣

This image shows a single page from a ledger or account book. The page is cream-colored and features ten vertical lines that divide it into eleven equal-width columns. There are no horizontal lines, so the rows are defined by the user's writing. A small, dark rectangular mark is visible near the top right edge of the page. The left edge of the page shows the binding of the book.







記華下林

卷